Hans-Georg Wenke

'n Dahler on 'n Groschen

Et wor am Friedag, ech hatt Schmaiht, nix wor tem Eten praatgeleïht, teheïm keïn Botter, Brut on Wuorscht, on baul drop kriëg ech ouch büs Duorscht, nix wor te fengen hie em Dengen.



Do wor de Nut besongersch grut, de Weilt, se wor nit mieh em Lut, ech wor su arm wie'n Kirkemüssken, nix wor mieh do em ganzen Hüsken. Wat söül ech donn, wie wiedergonn?

Ech souhten drop en allen Täschen, en Büdeln, Hötten, aulen Fläschen, off ech do noch nen Dahler hätt, off twei, dat wör doch eckersch nett. Ech souhten lang – mer wuort et bang.

Twei Stonden speeder dann dat Glöck, ech nohm dat Geildstöck mer ganz flöck, besooch et mer em Schinn der Lampe. Nu gött et sier jet en de Wampe! Min ganze Hoffnengk wor erloschen - et wor on bliëf bluß einen Groschen.

Wat donn, söül ech verschmaihtend sterwen, hät nömmes mer jett e vererwen, wer köün mer nu ens sier jet borgen, bluß für hütt Owend, bluß bes morgen? Et schot mer durch den hohle Kopp: Wat böss du doch'n armen Stropp.

Ech feng dann an te prakesieren: Van wem köün ech noch eckersch lieren? Wer hat wie ech nix in der Mute doch jrute Wörd mols in der Schnute? Et fiël mer ein, ich wor janz platt: Sitt Johren schun die van der Stadt.

Wenn die nix mie im Mängken hann, dann fangen die kinn Jomern an, dan maken die, ou, dat wïerd dür, janz ëifach irgend ne Gebühr. Et es egal, für wat, on nömmes hätt Rabatt.

Ech jing terbutten, trock min Bahn rüstig op de Stadt siehr an.
Schnurstracks wo noch et Laiht hell brangte wo nömmes mech em Dunkeln kanngte.
Et wor riskant, mir blümerant.

Ech klengelte stracks an dr Dür on riep: "Ich komme wegen der Gebühr". Die Frau, die mir die Dür makt open, die deiht bestemmt, ich wör besopen. ech saiht ihr frech on unverholen: "Ich muss sie ins Gefängnis holen".

Se örmte schwör, man soh, se köümte, die daiht bestimmt, dat se dat dröümte. "Es sei denn, sie bezahlen hier vor Ort, die Strafgebühr, und zwar sofort."
Und saiht er fix "Nämlich für nix".

Se kiëk mech an, ech jov Bescheïd: "Es tut mir ja ganz schrecklich leid, doch wer in dieser Stadt nichts tut, gemütlich nur im Hause ruht, muss dafür löhnen – hör'ns auf zu Stöhnen!

Wer leichtsinnig den Tag verquasselt nicht püngelt, örschelt und schwer brasselt, dem kostet dieses Lotterleben täglich einen Thaler eben! Bekomm ich den, kann's weitergehn."

Se jov en mir. Ech wor verdutzt. Allein, et het mer nix genutzt. Et wor to spät, öm jet to koupen, muos schmaitgebückt op hëim an loupen. De schön' Beschiss: total omsüss.

Noh Meddernaiht, et wor nit nett, do geng ech nu ohn Kost en't Bett. Aplatz te beden bluß ne Fluok, de Decke wuord tem Hongerduok. Ech tällden Schöpe, Schop für Schop on fiël beïm hongerdsten en Schlop.

Ech fiël durch Wölksker, fiël on sank nu meddsen en't Schlaraffelangk: do gof et Brotwuorscht, Erpelschlot, ouch Ferkesbroden fett on guot, Iiscreme, Kuoken - wett ehr wat? Em Droum frot ech mech rechteg satt!

(Vokabel-korrigiert und redigiert von Andreas Erdmann)